



**Kultureqarnermut, Ilinniartitaanermut, Ilisimatusarnermut
Ilageeqarnermullu Naalakkersuisoq
Mimi Karlsen
Maani**

Dato: 5. maj 2010
Sags.nr. 01.39.01.04

**Kultureqarnermut, Ilinniartitaanermut, Ilisimatusarnermut
Ilageeqarnermullu Ataatsimiititaliamik ulloq 7. maj nal. 17
ataatsimiittarfik 2-imi isumasioqateqarnissamut aggeqqusissut**

Inatsisartut
Allattoqarfiat Bureau
for Inatsisartut
Postboks 1060
3900 Nuuk
Oq/tel +299 34 50 00
Fax +299 32 46 06
inatsisartut@inatsisartu
t.gl
www.inatsisartut.gl

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap UPA10/27-ip - Oqaatsinut politikki pillugu inatsit - aappassaaneerneqarnissaanut isumaliutissiissummini Naalakkersuisut qinnuigaat pissutsit assigiinngitsut erseqqissaateqarfigeqqullugit, kiisalu inatsisissatut siunnersuummut allannguutissatut siunnersuuteqaqqullugit.

Inatsisissatut siunnersuutip aappassaaneerneqarnissaanut ataatsimiititaliap isumaliutissiissutaanut Naalakkersuisut akissuteqaataat tunngavigalugu Ataatsimiititaliap kissaatigaa Naalakkersuisoq Mimi Karlsen isumasioqatiginarlugu inatsisissatut siunnersuut pingajussaaneerneqartinnagu.

Allannguutissatut siunnersuut

Ataatsimiititaliap Naalakkersuisut allannguutissatut siunnersuuteqaqqullugit qinnuigai, ataatsimiititaliap inatsisissatut siunnersuut pingajussaaneerinnittoqartinnagu isummerfigisinnaaniassammagu.

Ataatsimiititaliap allannguutissatut siunnersuutikkut qularnaarniarpaasuliffeqarfiit kikkut tamarmik ornittagaanni ussassaarissagunik allagarsiissagunilluunniit, taakkulu danskisuiinnaq allanneqarsimappata aamma kalaallisut allanneqarsimasarnissaat – illuatungaanullu, kiisalu aamma innuttaasunut qularnaarneqassasoq suliffeqarfinit ingerlatseqatigiiffinnillu allakkiat oqaatsit innuttaasut atugaat atorlugit allanneqarsimasassasut.

Naalakkersuisut akissuteqaamminni tikkuarpaat manna periarfissaasinnaasoq ("Periarfissaq 1"):

”Periarfissaasinnaavoq siunnersuummut allannguutissatut siunnersuummi ilanngunneqarsinnaammat, Naalakkersuisut pisinnaatinneqassasut suliffeqarnermi kattuffiit susassaqartullu attuumassutillit allat isumasioqatigalugit, erseqqinnerusunik malittarisassaliorsinnaanermut allagartalersuutini ussasaarutinilu kiisalu suliffeqarfinniit ingerlatseqatigiiffinniillu innuttaasunut saaffiginnissutini oqaatsitigut piumasaaqaataasinnaasut pillugit”.

Naalakkersuisut akissuteqaammi kingusinnerusupput allapput periarfissaq alla (“Periarfissaq 2”) tassaasinnaasoq:

”Ataatsimiititaliamit kissaatigineqartut anguniarlugit periarfissat allat tassaasinnaapput, kingusinnerusukkut peqqissaartumik misissuereermermi tusarniaareermermilu oqaatsit pillugit inatsisissamut allannguutissamik siunnersuummik saqqummiussinissaq, imaluunniit apeqqutit pineqartut pillugit immikkut inatsisissatut siunnersuummik saqqummiussaqaarney”.

Ataatsimiititaliap periarfissaq kingulleq imatut paasisariaqarjaa, taamaaliortoqassappat taava inatsisip atuutilerfissaa kinguartinneqartariaqassasoq.

Apeqquut 1:

”Periarfissaq 1” atorneqassappat tamatumani iluaqutissat ajoqutissallu suut Naalakkersuisunut ilaasortap takusinnaavai? Tassunga atatillugu kissaatigineqarpoq ilisimatitsissutigineqassasoq Naalakkersuisunut ilaasortaq qanoq iliuuseqarniarnersoq suliffeqarnermi kattuffiit isumaqatigiissuteqarfingineqarsinnaanngippata imaluunniit paasinarsissagaluarpat isumaqatigiiniarnerit sivilutilluunniit imaannaanaviangitsut.

Apeqquut 2:

”Periarfissaq 1” atorneqassappat tamatumani iluaqutissat ajoqutissallu suut Naalakkersuisunut ilaasortap takusinnaavai? Tassunga atatillugu kissaatigineqarpoq ilisimatitsissutigineqassasoq misissuinerit tusarniaanerillu taaneqartut qanoq sivilutiginissaat naatsorsuutigineqarsinnaanersoq. Ilanngullugu kissaatigineqarpoq ilisimatitsissutigineqassasoq Naalakkersuisunut ilaasortaq qanoq iliuuseqarniarnersoq tusarniaanermut atatillugu inatsisilerinikkut, aningaasaqarniarnikkut ulluinnarniluunniit atuutsitsinikkut siunnersuutip timitalerneqarnissaanut aporfiusinnaasunik pingaarutilinnik uparuaasoqassagaluarpat?

Apeqquut 3:

Eqqortumik paasinninnerua misissuinerit tusarniaanerillu taaneqartut taakkulu tunngavigalugit allannguutissatut siunnersuusiorneq imminni siunnersuutip pingajussaaneernejarnissaanik maannakuugallartoo kinguartitsissammata?

Apeqquut 4:

Periarfissat taaneqartut marluk arlaat sorleq Naalakkersuisunut ilaasortap orniginartinneruaa?

Aningaasaqarnikkut pissutsit

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap oqaatsinut politikki pillugu inatsisissamut isumaliutissiisummi uparuarpa, siunnersuummi taaneqaraluartut siunnersuutip aningaasaqarniarnikkut kinguneqartussaannnginneranik oqarneq piviusorsioranilu akisussaassuseqanngitsuliornerusoq.

Naalakkersuisut akissuteqaamminni isuma tamanna akueraat nangissutitullu ilisimatitsissutigalugu 2011-mut aningaasanut inatsisissamut siunnersuummi siunertanut makkununga 2,2 mio. kr.-inik immikkoortitsisoqarnissaa qinnuteqaatigineqassasoq:

- A. Kalaallit oqaasiinik atuartitsinermut atortussanik sanaartorneq
- B. Kalaallit danskillu oqaasiinik pikkorissartitsisarnernik amerlisaaneq
- C. Oqaatsinik atuarfinni tuluttut ilinniarneq
- D. Nutserisunik ilinniagartuutut qaffasissulimmik ilinniartitseqqittalernermik pilersitsineq.

Apeqquut 5:

Kalaallit oqaasiinik ilinniartitsinermut atortussanik sanaartorneq siuarsarniarlugu suliniutinik aallartitseqqullugit Naalakkersuisut peqquneqarnissaannik siunnersuutip UPA10/153-ip (naatsorsuutigisamik) akuersissutigineqarnissaa tunngavigalugu Naalakkersuisut suliniutissaannut imm. A-mi suliniut sutigut assigiinngissuteqarpa?

Tassunga ilanngullugu kissaatigineqarpoq ilisimatitsissutigineqassasoq imm. 153 akuersissutigineqassappat kalaallit oqaasiinik ilinniartitsinermut atortussanik suliaqarnissamut aningaasaliissutinik amerlanerusunik Naalakkersuisut immikkoortitsiniarnersut?

Apeqquut 6:

Suliniut imm. D-mi taaneqartoq oqaatsinut politikki pillugu inatsimmut sutigut attuumassuteqarpa? Ataatsimiititaliaq isumaqarneruvoq suliniut immikkut ittumik ilinniartitaanikkut qaffassaaniarnermut tunnganerusutut isigineqartariaqartoq, taamaattumillu oqaatsinut politikki pillugu inatsisip timitalerneqarnissaanut immikkut aningaasaliissutinit aningaasalersorneqartariaqarani.

Tassunga ilanngullugu kissaatigineqarpoq ilisimatitsissutigineqassasoq suliniutip imm. D-mi taaneqartup oqaasertalersorneqarnerani Naalakkersuisoqarfimmut AIS11-mi aningaasatigut killiliussassat qaffanneqarnissaannik kissaateqarneq isumaliutinut ilaasimanersaq?

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap anguniagarivaa isumasioqatigiinneq sapinngisamik annertunerpaamik Naalakkersuisunut ilaasortap Ataatsimiititaliallu akornanni naalakkersuinikkut oqallinnertut ingerlanneqassasoq – minnerunngitsumik pingaarnersiulluni tullerriaarinerit anguniakkallu pillugit. Oqaasiinnakkut saqqummiussinermit sapinngisamik najoqqutaqarani oqaaseqarneq atorneqartariaqarpoq.

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap ilanngullugu kissaatigaa isumasioqatigiinnermut nangissutitut qulaani apeqqutigineqartut pillugit kalaallisullu danskisullu allakkiamik tigusaqarnissani. Atortussat isumasioqatigiinnerup kinguninngua qarasaasiakkut annl@inatsisartut.gl-imut nassiuteqquneqarput.

Isumasioqatigiinnissamut oqaasissat allareerlugit nassarneqassappata taakkua danskisuu isumasioqatigiinnerup aallartinnerani Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap oqalutnaanunniuteqquneqarput.

Ikinngutinnersumik inuulluaqqusillunga

Harald Bianco
Ataatsimiititaliaq sinnerlugu